

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U SREBRENIKU
BROJ: 30-0-Su-26-000 202-13
Datum: 30.04.2026. godine

Na osnovu člana 70. stav (1) Zakona o javnim nabavkama (Službeni glasnik BiH, broj: 39/14, 59/22 i 50/24), a u vezi sa Planom javnih nabavki Općinskog suda u Srebreniku za 2025. godinu, predsjednik suda, donosi:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke, broj: 30-0-Su-26-000 202-11 od 30.04.2026. godine u postupku javne nabavke robe – Računarska oprema i ugovor će se zaključiti sa ponuđačem Neutrino DOO Tuzla, ponuda broj: 118-001-351/2026 od 17.04.2026. godine za ponudenu cijenu od 8.547,00 KM (bez PDV-a) kao jedinom kvalifikovanim ponuđaču.

Član 2.

Ugovor o nabavci dostaviće se na potpis izabranom ponuđaču u roku od 15 dana, računajući od dana od kada svi ponuđači budu obaviješteni o izboru najpovoljnije ponude.

Član 3.

Ova Odluka objavit će se na web-stranici Općinskog suda u Srebreniku istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 30-0-Su-26-000 202 od 15.04.2026. godine.

Javna nabavka je provedena putem konkurentskog zahtjeva. Izbor ponuđača izvršen je na osnovu kriterija *najniža cijena*.

Procijenjena vrijednost javne nabavke bila je 8.547,00 KM (bez PDV-a). Obavještenje o nabavci broj: 22630-7-1-30-3-26/26 objavljeno je na Portalu javnih nabavki 15.04.2026. godine.

Komisija za provođenje postupka javne nabavke, imenovana Rješenjem o imenovanju Komisije broj: 30-0-Su-26-000 202-1 od 15.04.2026. godine, dostavila je dana 30.04.2026. godine Zapisnik o ocjeni ponuda, broj: 30-0-Su-26-000 202-10 od 30.04.2026. godine. Preporuku o izboru najpovoljnijeg ponuđača, broj: 30-0-Su-26-000 202-11 od 30.04.2026. godine i Izvještaj o radu komisije broj: 30-0-Su-26-000 202-12 od 30.04.2026. godine, u postupku predmetne javne nabavke.

Iz Izvještaja o radu je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2);
- da su blagovremeno zaprimljene dvije (2) ponude i to:

ponuda ponuđača Inter-Com DOO Zenica, ukupna cijena bez PDV-a 8.500,00 KM,

- ponuda ponuđača Neutrino DOO Tuzla ukupna cijena bez PDV-a 8.547,00 KM,
- da nema neblagovremeno zaprimljenih ponuda;
- da jedna (1) ponuda ponuđača ispunjavaju sve uslove i zahtjeve za dostavu ponuda;
- da jedna ponuda nije potpuna jer ponuđač nije dostavio ponudu/prospekt ili drugi dokument iz kojeg se jasno vide karakteristike ponuđene predmetne robe, odnosno kojim dokazuje da je predmetna roba u skladu sa traženim tehničkim specifikacijama, koja je tražena Tenderskom dokumentacijom pod tačkom 2./f)
- da nije zakazana e-aukcija jer je ostala samo jedna uredna I prihvatljiva ponuda.

Nakon što je izvršena evaluacija dostavljenih ponuda, Komisija je konstatovala da je jedina uredna ponuda ponuđača Neutrino DOO Tuzla u iznosu od 8.547,00 KM bez PDV-a. Obzirom da je jedina uredna I prihvatljiva ponuda u skladu sa procijenjenom vrijednošću javne nabavke, Komisija je dala preporuku da Ugovorni organ, primjenom kriterija najniža cijena, zaključi ugovor sa ponuđačem Neutrino DOO Tuzla.

Finansijska sredstva u Budžetu Tuzlanskog kantona za 2026. godinu za provođenje predmetnog postupka osigurana su Odlukom Vlade Tuzlanskog kantona, broj: 02/1-11-2936-10/26 od 30.03.2026. godine, u skladu sa Programom rasporeda sredstava sa potrošačke jedinice 11010002 – Kapitalni izdaci za korisnike budžetskih sredstava za 2026. godinu.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima.

Ponuđač Neutrino DOO Tuzla je ponudio cijenu od 8.547,00 KM (bez PDV-a). Budući da ponuda ponuđača Neutrino DOO Tuzla ispunjava sve uslove i zahtjeve za dostavu ponuda, u skladu sa članom 70. Zakona o javnim nabavkama BiH, odlučeno je kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri primjerka ili elektronskim putem.

DOSTAVLJENO:

1x Inter-Com DOO Zenica,
1x Neutrino DOO Tuzla,
1x evidenciji
1x a/a

